



CONCELLO A GUARDA

(PONTEVEDRA)

REGULAMENTO DA PISCINA MUNICIPAL

Artigo 1.-

Os usuarios da piscina estarán clasificados nas seguintes categorías: Socios, Abonados, Cursillistas e de Baño Libre.

Os socios terán dereito á utilización da Piscina en baño libre, así como a descontos en todos os cursiños de natación e resto de actividades que puideran desenvolverse, e terán prioridade ante os demais usuarios para o disfrute de baño libre, apuntarse a cursiños e disfrutar de calquera actividade.

Para acceder a Piscina é imprescindible presenta-lo carné de usuario en conserxería.

Artigo 2.-

O carné é persoal e intransferible, e só poderá ser utilizado polo seu titular.

Artigo 3.-

No caso de ter dúbidas sobre a identidade do carné, e a requirimento do persoal da instalación, este deberá identificarse con documento acreditativo (DNI, pasaporte ou similar).

Artigo 4.-

Os acompañantes teñen prohibida a entrada ós vestiarios e zona de praia na piscina.

Artigo 5.-

O número máximo de usuarios no vaso de xeito simultáneo será de 35.

Artigo 6.-

O tempo máximo de actividade continuada será de 60 minutos, correspondéndose ás horas en punto.

Artigo 7.-

Tódolos usuarios deberán abandonar o vaso cando o socorrista indique o remate da franxa horaria.

Artigo 8.-

Os menores de 5 anos (inclusive) poderán entrar cos seus pais/nais no interior dos vestiarios.

Artigo 9.-

Os maiores de 6 anos (inclusive) deberán utilizar unicamente o vestiario que lles corresponda.

Artigo 10.-

Prohíbese a entrada vestido e con calzado da rúa na zona de praia.



CONCELLO A GUARDA

(PONTEVEDRA)

Artigo 11.-

É obrigatorio o uso de gorros de baño.

Artigo 12.-

Prohibese saltar á auga de cabeza.

Artigo 13.-

É obrigatorio o uso de "chancletas" na zona de praia e vestiarios.

Artigo 14.-

É obrigatorio ducharse antes da inmersión na auga do vaso.

Artigo 15.-

Os acompañantes deberán esperar fóra dos vestiarios.

Artigo 16.-

Está prohibida a entrada de animais en toda a instalación.

Artigo 17.-

Prohibese comer e beber na zona de praia reservada ós bañistas.

Artigo 18.-

Prohibese fumar nos vestiarios e zona praia.

Artigo 19.-

O lixo deberase deixar en recipientes destinados para tal efecto.

Artigo 20.-

Por facilitara convivencia de tódolos usuarios, non se debe correr nin berrar nas zonas compartidas con outra xente.

Artigo 21.-

Para evitar riscos sanitarios, está prohibida a entrada na zona reservada ós bañistas, daquelas persoas que padezan enfermidades cutáneas ou doutro tipo que pola súa natureza se poidan contaxiar a través da auga.

Artigo 22.-



CONCELLO A GUARDA

(PONTEVEDRA)

Deberanse cumprir as normas de emprego dos armarios.

Artigo 23.-

O Concello de A Guarda e a empresa xestora non se fan responsables dos obxectos perdidos nos vestiarios ou zona de baño.

Artigo 24.-

Os rapaces menores de 10 anos deberán ir acompañados dun adulto para entrar no vaso.

Artigo 25.-

A utilización da piscina no horario de nado libre é exclusiva para a práctica natatoria, polo tanto está prohibida calquera outra actividade que poida entorpecer ós usuarios o seu goce con este fin.

Artigo 26.-

No caso de que algún usuario incumpra algún dos puntos deste regulamento, calquera traballador da instalación poderá chamarlle a atención sobre este feito. E no caso de ser de incumprimento reiterado poderá ser dado de baixa automática como abonado.

DISPOSICIÓN FINAL

O presente regulamento entrará en vigor unha vez aprobado definitivamente polo Concello, publicado o texto íntegro no Boletín Oficial da Provincia e transcurrido o prazo a que se refire o artigo 70.2 en relación co 65.2 da Lei Reguladora das Bases do Réxime Local, permanecendo en vigor ata a súa modificación ou derogación expresa.

Abriu un período de información pública e dar audiencia os interesados por prazo de trinta días para que poidan presentarse alegacións e suxerencias que deberán ser resoltas pola Corporación. De non producirse estas alegacións, a Ordenanza consideraráse aprobada definitivamente."